

## Universitätsbibliothek Paderborn

**Joannis Trithemij, Spanheimensis, Et Postea Divi Jacobi  
apud Herbipolim Abbatis, Viri suo aevo doctissimi. Tomus  
... Annalivm Hirsavgiensivm**

Opus nunquam hactenus editum, & ab Eruditis semper desideratum.  
Complectens Historiam Franciae Et Germaniae, Gesta Imperatorum,  
Regum ...

**Trithemius, Johannes**

**S. Galli, 1690**

Quo tempore, per quem, & quibus præsentibus primum Cœnobium S.  
Aurelij Hirsaugiene fuerit dedicatum, & repositione Reliquiarum ejusdem.

**urn:nbn:de:hbz:466:1-38550**

## Fundatio Monasterij Hirsauensis.

3

Xerat, Monasterio secundum Regulam S. Benedicti inserendos, se quoque facturum omnia promisit, quaecunque illorum judicio ad utilitatem institutionis monasticae necessaria viderentur, & opportuna. Fuerunt illo tempore, ut Meginfridus testatur, in Cœnobio Fuldense sub directione Rhabani Mauri sanctissimi Abbatis plusquam ducenti & septuaginta Monachi, inter quos, juxta numerum Apostolorum duodecim viri erant in omni varietate scripturarum Magistri præ ceteris doctissimi. Hos ergo duodecim Rhabanus in unum convocans preces tam Archiepiscopi Moguntini, quam Comitis Erlafredi coram eis litteris patentibus exposuit: & quid ipsi sentirent in hoc negotio, requisivit: qui unanimi consensu responderunt, sanctum Comitis desiderium non esse contemnendum, quod & Omnipotenti Deo fore placitum, & pro salute multorum nemo dubitaret esse futurum. Ad hanc igitur Provinciam subeundum quindecim ex fratribus delegarunt, præficientes illis in Abbatem Lutbertum unum ex duodecim præcipuis Doctoribus, hominem provectionis etatis, eruditione & moribus valde notabilem, fratremque germanum Reverendissimi Abbatis Brunonis, & Principis Monasterij Hirsfeldensis.

Monachi Ful  
dx 270.

Anno igitur Christianorum DCCCXXXVIII. Indictione Romanorum I. mensis Maij die 25. Lutbertus Abbas cum 15. Monachis de Monasterio Fuldense venit in Hirsauiam, quos Erlafridus Comes de Calba Fundator saepe dictus cum ingenti laetitia suscipiens ad novum Cœnobium lætus introduxit, eisque de omnibus vita necessarijs copiosissime providit: & omnia cum eorum consilio tractabat. Eo tempore corpus S. Aurelij adhuc servabatur in Capella B. Nazarij supradicta, propterea quod Ecclesia Monasterij nōdum esset consecrata. Post menses igitur paucos ut omnia prædispositum consequerentur effectum, Comes Erlafridus ad Curiam Imperialem cum alijs Princibus ad Francofordiam evocatus est, ubi terminatis negotijs Regni pro quibus Orgarium pulsavit Moguntinum Archipontificem, quatenus novum Cœnobium, quod construxerat, convenienti tempore dignaretur consecrare. Annuit Präfūl votis supplicantis, se quam primū daretur opportunitas, promittens esse venturum.

Monachi ve  
niunt Hirsau.  
giam anno 826.

Quotempore, per quem, & quibus præsentibus primum Cœnobium S. Aurelij Hirsauense fuerit dedicatum, & repositione Reliquiarum ejusdem.

Cum eo tempore inter Ludovicum cognomento Pium Imperatorem, & ejus filios gravis fuisse exorta dissensio, factus est denuo Principum conventus in civitate Neometensi, quæ nunc Spira vocatur, octo ferme distans ab Hirsauia milliaribus. Convenerant illuc multi Principes, Episcopi, Abbates per Imperiale mandatum ad Curiam more solenniter evocati, inter quos comparuit nobilis ille Comes Erlafridus, qui naectus opportunitatē, denuo Moguntinum Präfūlum Orgarum pro dedicatione novi operis ad-

B 3

eundum putavit. Consensit Orgarius, & de licentia Imperatoris diem consecrationis statuens, ad necessariorum dispositionem Comitem Erlafridum ad propria præmisit, post diem tertium subsecutus. Anno igitur Christiano prænotato videlicet DCCCXXXVIII. Indictione I. die mensis Septembris XI. hoc est in Festivitate SS. Martyrum Proti & Hyacinthi, Orgarius Moguntinæ Sedis Reverendissimus Archiepiscopus novam Hirsaugiensis Monasterij Ecclesiam sub honore Principis Apostolorum Petri, & S. Aurelij Rhedianorum quondam Præfulis consecravit, in præsencia multorum Principum, Episcoporum, Abbatū, & Comitum, quos fundator comes Erlafridus de Curia Imperatoris invitaverat. Quorum ista sunt nomina per Meginfridum separatis expressa. Hildebaldus Archiepiscopus Coloniensis, Wilericus Episcopus Bremensis, Eppo Episcopus Hildesheimensis, Thiagrius Episcopus Halberstadiensis, Hildouinus Abbas S. Dionysij sacri palati Archicappellanus, Rhabanus Abbas Fuldensis, Lutbertus Abbas primus Hirsaugiensis, & frater ejus Bruno Abbas Hirsfeldensis, Henricus Dux, Bernardus Dux, Bruno Dux, & filius ejus Ludulfus, Erlafridus de Calba comes, & filius ejus Ermefridus, Ortrungus Comes, Adelhardus Comes, & complures alii, quorum nomina Deo sunt cognita, sed in gestis Orgarij Præfulis ex negligentia scriptoris non expressa. Consecratione autem Ecclesiae cum 4. altaribus suis peractâ solenniter, memoratus Pontifex allatum de Capella S. Nazarij Corpus beatissimi Præfulis Aurelij subtus altare magnum cum reverentia & devotione magna reposuit, quod illic postea multis miraculis coruscavit. Deinde post annos LIII. cùm Nortmanni sub Arnulpho Imperatore devastarent Wormaciā, Harderardus Hirsaugiensis Monasterij IV. Abbas metuens incursum Barbarorum, testudinem fecit in Ecclesia subterraneam, in qua sanctas Reliquias in Sarcophago lapideo novo reposuit, cum inscriptione nominis, & dignitatis, ipsamque cameram ita rursus terra operuit, ut nullus deinceps quidquam ibi latere potuerit suspicari. Manserunt in eadem crypta Reliquiæ sanctæ occultatae per annos CLXX. usque ad tempora Comitis Adelberti, qui sub Henrico IV. Imperatore renovavit Hirsaugiam, ita ut penè in oblivionem venisset S. Aurelius, excepto, quod solā famā, & relatione Proavorum illum Hirsaugia sepultum audivit industriosā posteritas. Et de his postea suo loco mentionem non abscondemus.

Reliquijs itaque Divi Præfulis Aurelij sub altare per sape dictum Archiepiscopum repositis, Lutbertus instantे Erlafrido Comite pastoralis curæ baculum de manu Pontificis Moguntini suscepit, & realem possessionem Monasterij coram omnibus, qui aderant, solenni intronisatione acceptavit.

Deinde Comes Erlafridus accedens cum filio ad S. Hagiastrum coram Archiepiscopo Pontificalibus induito, & multitudo Principum traditione solemnī manumisit, & dedit Omnipotenti Deo, S. Petro Apostolorum Principi, & Divo Aurelio Monasterium hoc novum, quod construxerat, cum vicis, pascuis, nemoribus, aqua-

Ecclesia pri-  
ma S. Aurelij  
consecrata.

Principum  
præsentium  
nomina.

Corpus S. Au-  
relij infertur.

Lutbert. or-  
dinatur in  
Abbatem.

Dotatio Mo-  
nasterij.

aquariorumque cursibus venationibus, pescationibus, agris, pratis, & molendinis, cum universis emolumentis, atque proventibus, juxta tenorem Eulogij donationis, quod super sanctum Altare depositum, in quo continebantur & ista: *Doctiam Ecclesie huius sancti Aurelij traditione perpetua Ecclesiam in stam hem cum parte ipsius Ville precipua, & universis viculis ad eam pertinentibus: Ecclesiam quoque in Dec Renbronna cum omnibus ad eam pertinentibus. Item terre arabilis in Gilstein Hubas duodecim: Ecclesiam in Meuching, & Hubas duodecim. In Muching preedium bonum. In Tossingen similiter contrado Ecclesiam; Villas quoque dono subscriptas; Luzenhart, Alburg, Luzelhart, Eberßjuel, Cellenbach, Cugelbach, Nagaltart, Ottenbronnam, Hugstetten, Hambrechtzviler, Altiburam villam diuidiam cum omnibus pertinentibus ad eam.*

Alia quoque multa pro sustentatione Monachorum ad idem Coenobium tradidit, quae tunc temporis in libro donationum fuerant confirmata. Hanc autem Comitis Erlafredi solennem donationem Otgarius Reverendissimus Praeful Moguntinus, vice Domini Papae Gregorij IV. banno perpetuae stabilitatis communivit, ipsum Monasterium cum omnibus donationibus inibi factis in manus pronominatus Abbatii Lutberti, Successorumque ejus in perpetuum gubernandū tradidit, hac videlicet interposita conditione: quod vita Monastica secundum Regulam S. Benedicti perpetuis in eo temporibus custodiatur, & quotiens mori Abbatem contigerit, vel cura alias cedere pastorali, in Fratrum consistat electio liberrima potestate. Advocatum vero consecrati Monasterij memoratus Pontifex ipsum Comitem Erlafridum ad dies vitae sub tali conditione esse voluit: ut eo mortuo filius in advocacia non succedat, nisi ad eam fuerit per Abbatem & Fratres spontaneā voluntate assumptus. Verebatur enim religiosissimus Comes, ne Monasterium post mortem suam per filium, sive nepotes futuro tempore (sicut contigit) aliquam sustineret iniuriam; ideo voluit in Abbatii pendere arbitrio, convenientem pro tempore perquirendi Advocatum. Et haec libertas Hirsaugensi Monasterio privilegijs tam Apostolicis, quam Imperialibus varijs confirmata, usque in praesentem diem inviolata perseverat; quamvis aliquotiens fuerit in contrarium attentatum. Eodem quoque anno haec donatio Comitis Erlafredi per Ludovicum Imperatorem apud Neometin ad ejus instantiam simul & Lutberti Abbatii, in praesentia multorum Principum fuit confirmata. Et haec de consecratione & dotatione primi Monasterij Hirsaugensis breviter conscripta sufficiant, ut properemus ad cetera, quae restant.

### Vita, conversatio, & obitus S. Rhedianorum Praeful

Aurelij, cuius ossa per Nottungum Vercellensem Episcopum ad Hirsaugiam sunt translata.

**C**alamum deinceps ad tempora Lutberti primi Abbatii directuri, vitam sanctissimi Praeful Aurelij sub brevi compendio duximus praemittendam, ut quicunque haec nostra synthemata lecturi sunt, cuius sit meriti apud Deum S. Aurelius Praeful intelligent.

Et ne

Advocatus  
bettas.